

毛詩注疏

附校勘記

附釋音毛詩注疏卷第九

仇之三

卅二

毛詩小雅

鄭氏箋

孔穎達疏

伐木燕朋友故舊也自天子至于庶人未有不須友以成者親親以睦友賢不棄不遺故舊則民德歸厚矣疏

伐木六章章六句至厚矣。正義曰作伐木詩者燕朋友故舊也。又言所燕之由自天子至于庶人未有不須友以成者。王者既能內親其親以使和睦又能外友其賢而不棄不遺忘久故之恩舊而燕樂之以此化民於上民則效之於下則民德皆歸於惇厚不澆薄矣。朋友親故通名故舊唯施久遠此云朋友可以兼故舊而並言之者此說文王新故皆燕故異其文友賢不棄燕朋友也不遺故舊是燕故舊也舊則不可更釋新交則非賢不友故變朋友云友賢也燕故舊卽二章卒章上二句是也燕朋友卽二章諸父諸舅卒章兄弟無遠是也經序倒者經以主美文王不遺故舊爲重故先言之

而後言父舅先兄弟見父舅亦有故舊也序以經雖主
燕故舊而故舊亦朋友故先言朋友以見摠名而又別
言故舊以明其爲二事天子至于庶人未有不須友以
成者卽序首章之事因文王求友而廣言貴賤也經以
由須朋友而燕之故先論求友之由序則以詩本主燕
所以倒也二章卒章所陳皆爲燕食說王不得不召父
舅又於兄弟陳王之恩皆是燕朋友故舊也經兼陳食
禮而序不言亦舉其歡心足以兼之其親親以下因說
王者立法且明次篇之義親親以睦指上常棣燕兄弟
也友賢不棄不遺故舊卽此篇是也常棣雖周公作旣
內之於治內之篇故爲此次
伐木丁丁鳥鳴嚶嚶
以示法是此篇皆有義意
伐木聲也嚶嚶驚懼也箋云丁丁嚶嚶相切直也言昔
日未居位在農之時與友生於山巖伐木爲勤苦之事
猶以道德相切正也嚶嚶兩鳥聲也其鳴之志似
於有友道然故連言之○丁丁步耕反嚶於耕反
幽谷遷于喬木
幽深喬高也箋云遷徙也謂鄉時之鳥
出從深谷今移處高木○喬其驕反鄉

本又作曷
同許亮反

嚶其鳴矣求其友聲

君子雖遷於高位不可
以忘其朋友箋云嚶其

出自

鳴矣遷處高木者求其友聲求其尚在深谷者其相得則復鳴嚶嚶然○復扶又反相彼鳥矣猶

求友聲矧伊人矣不求友生

矧況也箋云相視也鳥尚知居高木呼其友況是人

乎可不求之○相神之聽之終和且平

箋云以可否相增減曰和平齊

息亮反矧尸忍反等也此言心誠求之神若聽之使

得如志則友終相與和而齊功也

疏伐木至且平○

木於山阪之中丁丁然爲聲鳥聞之嚶嚶然而驚懼以興朋友二人相切磋設言辭以規其友切切節節然其友聞之亦自勉勵猶鳥聞伐木之聲然也鳥既驚懼乃飛出從深谷之中遷於高木之上以喻朋友既自勉勵乃得遷升於高位之上鳥既遷高木之上又嚶嚶然其爲鳴矣作求其友之聲以喻君子雖遷高位而亦求其故友所以求之者視彼鳥之無知猶向作求其友之聲況人之有知矣焉得不求其友生乎君子爲此而求友也既居高位而不忘故友若神明之所聽祐之則朋友終久必志意和且功業平鄭以爲此章遠本文王幼少之時結友之事言文王昔日未居位之時與友生伐木於山阪丁丁然爲聲也於時雖處勤勞猶以道德相切

直時有兩鳥在傍嚶嚶然而鳴此鳥之鳴似朋友之相切故連言之此鳥乃出從深谷之中遷於高木之上又復嚶嚶然爲其鳴矣作求其友之聲然視彼鳥矣猶作其求友之聲況是人何得不求其友生乎故文王所以求友生也大意與毛同唯不興爲異耳○傳丁丁至驚懼○正義曰此丁丁文連伐木故知伐木聲下云出自幽谷遷于喬木則木是其鳥驚懼而飛遷矣故知嚶嚶然驚懼言此鳥爲驚懼而鳴耳嚶嚶非驚懼之聲也故下云嚶嚶其鳴矣不復驚懼鳴亦嚶是也然釋訓云丁丁嚶嚶相切直也傳意以此伐木鳥鳴喻相切直之事今傳解詩經之文耳爾雅徑訓興喻之義釋訓云顯顯叩君之德也藹藹萋萋臣盡力也皆徑釋其義不釋詩文王肅亦云鳥聞伐木驚而相命嚶嚶然故曰丁丁嚶嚶相切直以興朋友切切節節其言得傳旨也言相切直者謂切磋相止直也○箋丁丁至連言之○正義曰箋全引釋訓之文具解丁丁嚶嚶之義與傳同也故下卽云嚶嚶兩鳥聲丁丁亦是伐木聲也故郭璞曰丁丁斫木聲嚶嚶兩鳥鳴但正伐木鳥鳴時有此相切直之義故摠言丁丁嚶嚶爲相切直言未居位謂未居諸侯之位在於農畝時山巖者以下云伐木于阪故知山傍

巖崖之處故云山巖也箋必以爲文王身與友生伐木者以爾雅云丁丁嚶嚶相切直自此以下陳鳥鳴求友無相切直之義則伐木之時相切直也而第二章醴酒文連伐木是酒爲伐木而設卽伐木之人是朋友矣朋友旣親伐木明文王與之俱行故知親在農禮記注士之子食祿不免農則大夫以上子免農矣時文王爲諸侯世子而在農者案史記周本紀大王曰我世當有興者其在昌乎則文王在太王之時年已長大是諸侯世子之子耳太王初遷於岐民稀國小地又隘險而多樹木或當親自伐木所以勸率下民不可以禮論也言嚶嚶兩鳥者以相切直若一鳥不得有相切故郭璞曰嚶兩鳥鳴以喻朋友切磋相正是以義勢便爲兩鳥其實一鳥之鳴亦嚶嚶也故知嚶其鳴矣是一鳥也又解鳥鳴與伐木文連之意以文王相切直之時此兩鳥共鳴亦似朋友之相友之相切磋及其遷處高木嚶鳴相求又似朋友之相求故下觀之以爲喻此鳴之志似於有朋友之道故連言之葛覃因伐木許許醴酒有萸以黃鳥爲興亦此類也伐木許許醴酒有萸以數日湑萸美貌箋云此言許者伐木許許之人今則有酒而醴之本其故也。許沈呼古反醴徐所宜反又

所餘反葛洪所寄反謂以筐盞酒盞音鹿蕝音敘又既

羊汝反棟字廢反又側凡反藪素口反曰滑思敘反既

有肥羜以速諸父謂同姓大夫皆曰父異姓則稱舅國

君友其賢臣大夫士友其宗族之仁者箋云連寧適不

來微我弗顧微無也箋云寧召之適自於粢酒埽陳饋

八簋陳其黍稷矣謂爲食禮。於如字舊音烏粢采旦

反酒所懈反徐所寄反埽素報反饋其位反簋居偉

反麗所蟹反又所懈反攢本又作拊甫問反食音嗣既

有肥牡以速諸舅寧適不來微我有咎咎過疏伐木

咎。毛以爲伐木其柿許然故鳥驚而飛去以喻朋

友之相勵故德進而業脩也此所與切磋之故舊今以

筐醢其酒有蕝然而美與之燕飲焉王非直燕其故舊

又既有肥羜之羊以召朋友諸父而燕之俱有羊酒各

舉其一也王意又殷勤諸父兄弟必盡召之王言曰寧

召之適自不來則已無得不召之使言我不顧念之而

懷怨也。於是粲然酒壚其室。庭陳飲食之饋。黍稷之等有入簋也。既有肥羜之牡。以召諸舅而食之。宣召之適自不來。則止。無使懷怨。令我有咎過焉。言王厚其朋友。故舊爲設燕食。兼有焉。鄭以嚮時與文王伐木許許之人。文王有酒而飲之。本其昔日之事也。餘同。傳許至曰。湑。正義曰。以許許非聲之狀。故爲柿貌。上言丁丁之聲。下言於阪之處。互以相通。明在阪伐之爲聲。而有柿也。以筐曰醢。以藪曰湑。者。筐竹器也。藪草也。漉酒者。或用筐。或用草。於今猶然。毛氏蓋相傳爲說。因醢言湑。逆解下文。用草者。用茅也。傳僖四年左傳曰。爾貢苞茅不入。王祭不供。無以縮酒。是也。傳荊未至仁者。○正義曰。釋畜云。未成羊曰羜。郭璞曰。今俗呼五月羔爲羜。是也。傳以經稱諸父。舅序云。燕朋友故舊。則此父舅是文王之朋友也。禮天子謂同姓諸侯。諸侯謂同姓大夫。皆曰父。異姓則稱舅。故曰諸父。諸舅也。禮記注云。稱之以父。與舅親親之辭也。覲禮說天子呼諸侯之義曰。同姓大國則曰伯父。其異姓則曰伯舅。同姓小國則曰叔父。異姓則曰叔舅。是天子稱諸侯也。左傳隱公謂臧僖伯曰。叔父有憾於寡人。鄭厲公謂原繁曰。願與伯父圖之。禮記衛孔悝之鼎銘云。公曰。叔舅是諸侯稱大。

夫父舅之文也諸侯則國有大小之殊大夫唯以長幼
爲異故服虔左傳注云諸侯稱同姓大夫長者亦當爲伯舅
曰叔父是也然則諸侯謂異姓大夫長者亦當爲伯舅
但經傳無其事耳公羊傳曰王者之後稱公大國稱侯
皆千乘小國稱伯子男左傳曰在禮卿不會公侯會伯
子男可也分五等爲二節皆以公侯爲上等伯子男爲
下等明大邦謂公侯小邦謂伯子男其稱牧伯則異曲
禮曰五官之長曰伯是職方天子同姓謂之伯父異姓
謂之伯舅東西二伯又曰九州之長入天子之國曰牧
天子同姓謂之叔父異姓謂之叔舅禮記注云牧尊於
大國之君而謂之叔父避二伯也亦以此爲尊禮或損
之而益謂此類也言由避二伯故稱叔因以別異大邦
之君亦以損其稱而更益其尊故云損之而益也齊太
公爲王官之伯左傳云王使劉定公賜齊侯命曰昔伯
舅太公佐我先王是稱太公爲伯舅也及齊桓公興霸
功王又以二伯之禮命之僖九年傳曰王使宰孔賜齊
侯胙曰使孔賜伯舅胙是也周公亦是分陝之伯而魯
頌云王曰叔父者以其實成王叔父以本親言之也其
晉文公亦有霸功天子賜命皆本其祖太公受二伯命故
文雖俱有霸功天子賜命皆本其祖太公受二伯命故

還以二伯之禮賜桓公唐叔本受州牧之命故還以州
牧之禮命文公故唐叔文公但稱叔父左傳周景王謂
籍談曰叔父唐叔是唐叔亦受州牧之禮而稱叔父也
僖二十四年傳王出適鄭使來告難曰敢告叔父謂魯
爲叔父成二年傳王告鞏朔曰今叔父克遂有功于齊
謂晉爲叔父也昭七年王使追命衛襄公曰叔父陟恪
在我先王之左右是謂衛爲叔父也是晉與魯衛王皆
呼之爲叔父昭九年王使詹桓伯辭於晉曰伯父惠公
歸自秦又曰晉侯爲伯父由此觀之魯衛爲大國而稱
叔父晉國之中伯叔俱稱不同者以魯雖周公之後周
公位冢宰爲東伯而周公之國故擊繫伯禽左傳曰變
父禽父王孫牟並事康王三國俱以令德作王卿明兼
州牧矣變父唐叔之子王孫牟康叔之子康叔稱叔父
是爲州牧尚書酒誥命康叔之辭曰明大命於妹邦鄭
云康叔爲連屬之監則康叔後或爲州牧變父王孫牟
或各繼其父爲州牧也伯禽作費誓專征徐戎爲方伯
可知三國並爲大國王室之親又皆二伯之後尊而異
之所以皆稱叔父焉晉又稱伯父者以晉既大國世作
盟主故變稱伯父耳尚書文侯之命王曰父義和平王
得文侯來輔周之勤尤親之而直稱父也天子稱朝廷

公卿則無文蓋有爵者自依諸侯之例無爵者亦應以此長幼稱伯父叔父大夫以下位卑其稱父舅以否無文以明之此傳以及下經父舅兼有解天子所呼父舅之文以諸侯於大夫猶天子於諸侯同有父舅之名故連釋之焉既此篇燕朋友而呼父舅是父舅爲天子朋友事自明矣因天子有交友之義已釋諸侯亦有父舅故亦因解國君友其賢臣并及大夫友其宗族之仁者云仁賢者明尊卑之交非賢不友故也定本無宗字○箋有酒至飲酒○正義曰此有酒有豕召族人飲之蓋是燕禮非饗也何者聘禮注云饗謂享大牢以飲賓也是燕禮唯肥豕而已是非饗禮明矣今燕禮者是諸侯燕其羣臣及賓客之禮禮記云其牲狗不用羊豕此云有肥豕者天子之禮異於諸侯也宣十六年左傳曰王饗有體薦燕有折俎公當饗卿當燕王室之禮是天子燕饗之禮異於諸侯牲亦不同也○箋陳其至食禮○正義曰儀禮特牲少牢聘禮公食之等皆以簋盛黍稷則八簋是黍稷之器也故云陳其黍稷謂爲食禮案周官掌客職五等諸侯簋皆十二又公食大夫禮上大夫六簋此天子云八簋者據待族人設食之禮其掌客所云謂飧饗餼之大禮公食大夫是諸侯食大夫之禮若曰

食特性者二簋少牢者四簋故玉藻云少牢五俎四簋然則大牢者六簋上肥羜醢酒爲燕禮此是食禮互陳之也知是食禮者燕禮主於飲酒無飯食則此簋盛黍稷是食禮可知周禮地官春人云凡饗供食米則饗禮有黍稷矣但饗主於飲不主於食此經不言酒穀獨陳八簋假令與上醢酒并爲一事亦不得爲饗禮何者饗亭太牢以飲賓不得用未成羊羜也但於肥羜之下旣言以速諸父又別言於粢酒埽以速諸舅明二者又爲一禮上句爲燕下句爲食燕言諸父食言諸舅互文以相通也推此明以兼有饗矣但文不見饗耳

伐木

于阪醢酒有衍

衍美貌箋云此言伐木于阪亦本之也

籩豆有踐兄弟無

遠

箋云踐陳列貌見弟父之黨母之黨

民之失德乾餱以愆

餱食也箋云失德謂見謗

訕也民向以乾餱之食獲愆過於人況天子之饌反可以恨兄弟乎故不當遠之

愆起虔反訕於諫反餱士

有酒湑我無酒醑我

湑酋之也醑一

宿酒也箋云酤買也此族人陳王之恩也王有酒則涑酋之王無酒酤買之要欲厚於族人

敘反酤毛音戶說文同鄭音顧又音沽舊所六反與左傳縮酒同義謂以茅沛之而去其糟也字從艸沛子禮

○反坎坎鼓我蹲蹲舞我然爲我與舞蹲蹲然謂以樂樂

己○坎如字說文作𠬪音同云舞曲也蹲七旬反本或作塶同爾雅云喜也說文云士舞也從士尊爲于僞反

下同樂樂上音岳下音洛追我暇矣飲此湑矣箋云追及也此又述

之聞暇其飲此湑酒欲其無疏伐木至湑矣○毛以

不醉之意○追音待聞音閑喻朋友切磋以成道也由朋友相成如此故今以筐醺

其酒衍然而美以燕之既有酒矣又籩豆有踐然行列

而陳之矣兄弟親戚無有疏遠皆使召之而與之燕也

王又自言己不可不召族人之意下民之失德見謗訕

者以何故乎正由乾餼之食不分於人以獲愆過乾餼

之食尙以獲愆況天子之饌可不召親戚令之恨乎故

盡召而燕之族人陳王之恩言王有酒則湑沛之以飲

我王無酒則卒造一宿之酤酒以與我於時坎坎然擊

鼓以娛我蹲蹲然興舞以樂我是王恩甚厚矣王又謂

族人曰汝族人今日正及我閒暇矣共汝飲此湑酒矣

言已卒有閒暇而爲此飲其意欲令族人以不醉是王之恩厚也○鄭以伐木於阪亦本之酤買爲異餘同○箋兄弟父至母之黨○正義曰以上言諸父爲父黨則諸舅爲母黨此言兄弟父舅二文故知父黨母黨也禮有同姓異姓庶姓同姓摠上王之同宗是父之黨也異姓王舅之親庶姓與王無親者天子於諸侯非同姓皆曰舅不由有親無親則舅文又以兼庶姓矣其中容有舅甥之親故通言母之黨也父黨母黨得同曰兄弟者兄弟是相親之辭因推而廣之異姓亦得言之故釋親云父之黨爲宗族母與妻之黨爲兄弟是母黨之稱故特言母耳之文也此不言妻黨者以舅是母黨之稱故特言母耳其實妻黨亦曰兄弟釋親又曰妻之父爲婚兄弟壻之父爲姻兄弟是也兄弟必兼言母黨者以甥舅之親與同姓等故類并諸公刺王不能燕樂同姓而經曰豈伊異人兄弟甥舅是也若然兄弟摠辭而下箋獨言族人陳王之恩者以兄弟雖父黨兼言母黨而父黨爲正故下特云族人此燕朋友故舊非燕族人據族人爲朋友者互說耳舉族可以兼異姓及庶姓矣○箋反可以恨兄弟乎○正義曰定恨作限恐非也○傳酤一宿酒蓋○正義曰毛以爲言無酒明是卒爲之故云一宿酒蓋

於時有之箋以經傳無名一宿酒爲酤者既有一宿之
酒不得謂之無酒論語云酤酒市脯不食是古買酒爲
酤酒故易之爲酤買也○箋爲我至樂已○正義曰兄
弟陳王之厚已使人爲之鼓舞言爲我者以樂由已而
故作也禮記天子食三老五更於大學冕而摠干親在
舞位知此非王自舞者食三老五更重禮示敬故王親
舞之此與故舊燕樂不當王親舞也若言王
身親舞豈亦親擊鼓乎以此知使人爲之

伐木六章章六句

天保下報上也君能下下以成其政臣能歸美以報其

上焉

下謂鹿鳴至伐木皆君所以以下臣也臣亦宜歸美於王以崇君之尊而福祿之以答其歌○下下

俱戶嫁反注

疏

天保六章章六句至上焉○正義曰作天保詩者言下報上也謂臣下作

下及下臣同

詩歌君之美言天保神祐福祿所鍾君雖實然由臣所詠是臣下歸美以報其上序又申之言君能下其臣下燕饗遣勞謂鹿鳴至伐木之歌以成其國之政教故臣亦宜歸美於君作天保之歌以報答其上焉然詩者志

也各自吟詠六篇之作非是一人而已此爲蒼上篇之
歌者但聖人示法義取相成此鹿鳴至伐木於前此篇
繼之於後以著義非此故蒼上篇也何則上五篇非一
人所作又作彼者不與此計議何相報之有鄭云亦宜
者示法耳非故報也此篇六章○天保定爾亦孔之固
皆言王受多福是歸美之事○天保定爾亦孔之固
也箋云保安爾女也女王俾爾單厚何福不除俾使單
也天之安定女亦甚堅固○天保定爾亦孔之固
日單厚也除開也箋云單盡也天使女盡厚天下之民
何福而不開皆開出以予之○俾必以反單毛都但反
鄭音丹除治○俾爾多益以莫不庶庶衆也箋云莫無也
慮反注同○天保定爾亦孔之固○天保定爾亦孔之固
故無不○疏○天保定爾亦孔之固○天保定爾亦孔之固
眾也○天保定爾亦孔之固○天保定爾亦孔之固
以告王言天之安定汝王位亦甚堅固矣何者天使汝
誠信愛厚天下臣民即知何等福不開出與之天又使
汝天下每物皆多有所益以是之故物無不眾多也每
物眾多是安定汝王位甚堅固也毛又云單厚者天使
汝以厚德厚天下耳○鄭以爲盡厚天下爲異餘同言
亦孔之固亦語辭猶不亦宜乎○箋云使至予之○正

義曰此章言福謂王得福也下章乃言臣民受天祿耳
王能愛厚下民德當天意然後天降之福但王能布德
亦天爲之故云天使汝盡厚天下之民何福而不開言
何廣辭故云皆開出予之言開者若有閉藏畜積今開
出之然此云開出予之據天授與王下天保定爾俾爾
言受天百祿據臣受天祿亦相通也天保定爾俾爾
戩穀馨無不宜受天百祿戩福穀祿馨盡也箋云天使
女所福祿之人謂羣臣也其
舉事盡得其宜受天降爾遐福維日不足箋云遐遠也
之多祿。戩子淺反
以廣遠之福使天下溥蒙之汲汲疏正義曰言天安
然如日且不足也。汲已及反。
定汝之王位故使汝所福祿之人朝廷羣臣等盡無有
不宜其舉事皆得其所而受天百祿羣臣之外天又下
與汝廣遠之福及天下之民汲汲而欲下之維恐日日
不足言天之使汝臣民俱受天福是安定汝也羣臣受
王爵位故謂羣臣爲天保定爾以莫不興箋云興盛也
汝所授福祿之人。
萬物皆盛草木如山如阜如岡如陵言廣厚也高平曰
陸大陵曰阜大阜
暢茂禽獸碩大